

今我欲成佛 說法救群生

時舍利弗即謂女言仁雖發意有無極慧佛不可得又如女身累劫精進功積顯着尚不得佛所以者何以女人身未階五位一曰天帝二曰梵天三曰天魔四曰轉輪聖王五曰大士其女即以一如意珠賈當是世時乎供上佛佛輒受之女謂舍利弗及智積曰吾以此珠供上世尊佛受疾不答曰俱疾女曰今我取無上正真道成最正覺速疾於斯變成男子菩薩尋即成佛相三十二眾好具足國土名号眾會皆見恠未曾有無執數人天龍鬼神皆發無上正真道意三千世界六反震動三万道迹得不退轉皆當逮成無上正真道舍利弗智積菩薩默然無言

正法華經卷第六

在六

曩反如 疊反許 近崎 屹反上 去俱 反綽 尸若 燁燁  
上干 鬼反 移徒 紫反 跳反 劫燒 下尸 踐賤  
下余 轉反 華中 儲畜 除音 杜塞 尸反

磧砂大藏經

正法華經

正法華經卷第七

在七

西晉三藏竺法護譯

正法華經勸說品第十三

爾時有菩薩名藥王復有菩薩名曰大辯與二万菩薩俱於世尊前面自啓白唯願大聖自安宣教勿以為慮如來至真滅度之後我等當共分布斯經講說示人假使有人僮倮自用性不循調薄德無福心懷自大着供養利不備善本離於解脫難可成就我等世尊興忍辱力在於彼世受此經典書持誦說供養奉事懷佩在身除於吾我班宣斯經報安住恩尔時會中五百比丘學不學者前白佛言唯然世尊吾等堪任宣布此經又復大聖他方世界如來聲聞諸學不學佛悉授決當成無上正真之道一切义手而禮世尊八十七比丘復白佛言大聖自安勿以為慮滅度之後當廣解說傳此經道亦當宣布他方世界所以者何此忍世界人多憍慢本德薄少心

卅

第二七册

常懷亂如火毒然迷惑三界不能自安尔時  
 大敬達比丘尼與六千比丘尼俱瞻戴尊顏  
 不以為厭啓白佛言道德至尊巍巍無量超  
 絕虛空無能及者佛即告曰汝輩瞿曇勿  
 懷悒悒而為愁感悲顏觀佛恨言如來而不  
 班宣獨不見蒙授無上至真正覺之決一切  
 衆會等共和同尔乃演布授衆人決當至無  
 上正真之道皆一等味味無有異從是以往  
 汝當遭值三万八千億諸佛之衆供養奉事  
 當為菩薩常為法師此學不學六千比丘尼  
 為諸衆生菩薩法師次第具足菩薩行已當  
 成為佛号曰一切衆生成敬如來至真等正  
 覺成佛已後開化人民各各展轉共相授決  
 當成為佛度脫無數不可計人於是羅云母  
 比丘尼及持名聞各心念言今佛世尊而不  
 愍念獨見遺棄於時大聖告名聞比丘尼今  
 我班宣告語遠近當於十萬億佛修道常為  
 法師奉菩薩所行遵修具足當得作佛号具

百千光幢幡如來至真等正覺明行成為善  
 逝世間解無上士道法御天人師為佛衆祐  
 其世界名仁賢尔時其佛光明威神無數百  
 千壽不可限時大敬達及羅云母比丘尼等  
 得未曾有驚喜悅豫即說此偈而嗟歎佛  
 世尊所開示 為衆之導師 開化於世界  
在 并及於天人 天人所奉事 今者見慰撫  
 以為大導師 充滿悅我意  
 比丘尼說此頌已白世尊曰唯然大聖我等  
 信樂是佛法訓堪任說讀又及餘人他方世  
 界於是世尊顧眄八十億姪百千逮諸惣持  
 開士講不退轉法輪時諸菩薩見佛照臨尋  
 叉手啓白惟願大聖以斯經典付授我等講  
 說宣布得此經卷專惟佛德諸族姓子欣仰  
 世尊俯察已身前世所行平等之願則於佛  
 前而師子吼如來滅度後若此經法在於十  
 方我等書寫受持諷誦思惟其義分別布露  
 顯化餘人亦令如斯承佛聖旨我之朋黨處

殊異土大聖加恩將接我等使得成立尔時諸菩薩大士同心等意佛前說頌曰

惟願世尊默然安聖佛滅度後光闡景訓

然後末世恐有患難當普班宣分別說之

若搗捶罵詈以石打擲者大聖往來世

鄙當忍此愚語言難曉了諛諂癡憍慢

然後處山巖無獲謂有得無便於智慧

當何以報答獨行順心志懷惡為無忍

在居貪惡聲當為說經法所講言決除

猶若此六通凶暴秉毒心處寂行斯想

入燕而獨住不慕罵詈對是我等無忍

倚着於利養法苑則是外道人三所說為已施

於經自精進猶以供養故於眾會中說

宣吾等名譽若至國王宮大臣及寮屬

并梵志長者若餘比丘所諉毀說我惡

所行如邪道吾當悉忍此常奉侍大聖

尔時雖憂惑若能忍辱以斯佛所說

悉當呵教人劫亂比丘諱凶暴大恐懼

悉罵詈我等諸比丘如鬼在世行恭敬

皆令忍苦患以順柔軟性故當說此經

吾等不貪身亦不惜壽命當堪奉持此

志願於佛道世尊具知之如凶惡比丘

然後來末世當分別開解顏色常不悅

數數犯不當遊行不以時衣服多不政

假使今世雄滅度後末世在眾會勇猛

分別說是經若行求入城儻有所慕索

所居當施與佛智不令墮用愛樂世原

興修仁善心少欲行節限逮善寂滅度

一切世光耀十方悉來會我當言至誠

悉見心不虛

正法華經安樂行品第十四

於是溥首大士白佛唯大聖此諸菩薩恭敬世尊所當勸悅難及難及何時應當為一切眾說斯經典佛語溥首曰菩薩先處二法乃應講經一曰威儀二曰禮節何謂菩薩解知威儀假使持心忍辱調柔將護其意畏不自

立其志如地不見有人不見有人而行法者  
 觀自然相諸法本無此諸法者衆行之式亦  
 無想念是謂威儀何謂禮節設令菩薩不與  
 王者太子大臣吏民從事不與外道異學交  
 啓不尚世典讚叙音韶合偶習俗不貪不學  
 不與屠殺魚獵弋射雞鶩羅網賊害從事不  
 與歌樂遊戲衆會同處不與聲聞比丘比丘  
 尼清信士清信女從事亦不親近行禮問訊  
 不共止頓不與同志經行燒香散華然燈除  
 其往至講經會時唯與講會而共從事縱有  
 所說亦無所着是為禮節  
 又語溥首菩薩大士不悖家居宗室親屬不  
 在正法七慇懃思見內人女弱獨說經法亦不頻數詣  
 群從幼童男女及餘異人而說軟語所不當  
 講不為定意疾癩說經不與住立亦不同類  
 亦不與一比丘獨入房室除念如來精進為  
 行縱為女人有說經緣不於是中汙染法味  
 不令受取而廣義理不與沙弥比丘尼童子

童女共在一處常好宴坐綢繆好習辟屏閑  
 居是為禮節  
 又語溥首菩薩大士觀一切法皆為空無如  
 所住立已墮顛倒所立正諦常住如法專秉  
 身心不動不搖不退不轉蠲捨滅盡不生不  
 有無有自然無為無數無所可有逮無所有  
 除諸言辭不住無為無想不想得伏諸想假  
 便菩薩乙密觀察斯一切法款款修此所當  
 行者常住威儀禮節二事世尊欲重解現此  
 義而歎頌曰  
 若菩薩好樂 說此經典者 於後當來世  
 勇猛無怯劣 順威儀禮節 善明清白行  
 國王及太子 大臣僚屬吏 外道若異學  
 屠獵惡害品 抑制交啓習 不與通往返  
 比丘放羅漢 除立於法律 不與自大俱  
 復遠犯禁者 比丘比丘尼 調擬嘲話談  
 捨離清信女 不興無益言 現在欲獲法  
 常當止息非 好住滅度地 是謂為威儀  
 在法花七五

假使不肯往	諮問於道法	斯為持法說
不怯無所著	衆生有癩疾	若親屬宗室
母人諸細色	悉當捨離去	不與是等俱
而積植德本	當捨販賣業	諸慢不恭敬
棄捐諸住立	不為己身害	若干種虫蚤
不習食噉肉	鬻捨諸非法	喜瞋恚恨者
所行乃如是	亦不與談語	不與強顏俱
及餘自用性	作行如是者	皆當屏除之
明者設有緣	為女人說經	而不獨遊行
不住於調戲	設入出聚落	數數行求食
將一比丘伴	常志念於佛	佛故先示現
此威儀禮節	其奉持斯典	則當勤行之
上中下劣人	若不行法者	元元常供養
一切皆至誠	丈夫無想念	堅固行勇猛
不知一切法	亦不見滅盡	一切諸菩薩
是謂為威儀	如常行禮節	且當聽察此
斯當講說	無為之法	一切不與
建志常立	觀採空義	此為明者
		所行禮節

有所念者 悉顛倒想 以無為有用虛作實  
 雖有所起 諸法無生 因想蹉踏 而生諸有  
 心常專一 善修三昧 建立於行 若須彌頂  
 所住如此 普觀諸法 是一切法 猶如虛空  
 譬如虛無 等無堅固 不念取勝 無所棄捐  
 諸法所處 無有常名 是為明者 所行禮節  
 我滅度後 若有比丘 敢能守護 如是法則  
 無所怯軟 心不起想 為無數人 說此經典  
 其明詰者 所念以時 若入屋室 所行若茲  
 觀察諸法 一切普淨 宴然說義 而不動搖  
 國主帝王 及與太子 欲聽聞法 皆供養之  
 并餘長者 及諸梵志 立諸眷屬 皆無所欲  
 又語溥首如來滅度之後欲說此經住于安  
 隱已立安隱不懷諛諂無眩惑心乃說經法  
 箴戢身懷或載竹帛為他人說亦不多辭亦  
 無所生亦不輕慢諸餘比丘為法師者亦不  
 歌歎亦不毀咎異心比丘為聲聞者未曾舉  
 名說其瑕穢亦不誹謗亦不仇怨意想待之

在

法苑七

六

月

未曾毀咎居家行者無所志願不違彼行亦  
無所想行來安住而立義要往來周旋若詣  
法會自護己身行無所失而說經法若有請  
問心無所倚離聲聞乘有所發遣覺了佛慧  
佛時頌曰

智者常安 住於佛道 先隱定坐 尔乃說經  
若當敷座 務令柔軟 若干種具 所置綺縈  
體常攏着 淨潔被服 於七七日 而習經行  
猶如黑雲 在於虛空 合集積累 弘雅功德  
所處之座 具足篋藏 牀足堅固 平坦顯赫  
無數坐具 氎幕統緹 儼然正首 尊其視瞻  
安祥昇處 高廣法座 而普等心 為一切人  
國主帝王 太子大臣 及諸比丘 比丘尼眾  
清信高士 及清信女 應所樂聞 為講無量  
明智無限 次第剖判 為演種種 微妙之義  
追逐侍後 請求問義 斯睿喆者 復為解說  
而入神足 柔順之忍 其有聽聞 悉得佛道  
斯智慧士 皆為一切 進却棄除 懈怠疲厭

常以慈心 為眾說經 未曾起于 勞廢之想  
晝夜歌誦 誦尊法訓 分別演說 億百妙喻  
普能勸悅 諸會者心 無敢生念 欲危害者  
若得供養 飲食之具 牀卧所安 衣服被枕  
病瘦醫藥 而無僥冀 不從眾人 有所請求  
除其瞻勞 住廟精舍 欲令眾庶 悉解佛道

若一切人 來聽經法 我乃加豫 如獲大安  
佛滅度後 若有比丘 宣揚經法 無所希望  
無所妨廢 不遭苦患 常察精進 離於疾病  
無能為彼 造恐怖事 不被杖痛 無誹謗想  
身無疲厭 不有所患 其人住忍 得力如是  
其明智者 所處安隱 有所存立 如佛言教

若以咨嗟 億百功德 一切稱譽 不能究竟  
又語溥首如來滅度若有菩薩於是經卷懷  
疑不了若說教化聞不堅固性不調和見餘  
菩薩求大乘者為造虛妄而誹謗之見聲聞  
緣覺比丘比丘尼清信士清信女若值菩薩  
心為躊躇不即往見其族姓子則遠無上正

真之道而不得近佛夫中天也所在行處假使究竟不蒙福力不成最正覺菩薩行三乘猶如師子在於林樹若有猶豫自然遠離不樂所樂亦不不樂若於衆生修行慈力至於如來興大文想見諸菩薩念如世尊及諸處家未離塵穢寬弘等敬禮節恭肅淨諸法義無疑無結嚴一切法謹慎安諦欽順平等不着經法極有所樂亦無所至所在晝夜敬護此典溥首是爲三法之行菩薩觀時然後乃說造安隱行不被煩惱亦不燒害說此經法者與同學者等心道友若講若聞信樂斯典誦持書寫載之竹帛供養奉侍德不可量說已安住則乃頌曰

數數講誦佛之典誥未曾以此持作懈倦其有菩薩在十方者愍傷衆生於世興行順造恭敬學聖慧者皆當念之是我世尊思念諸佛兩足之上視諸菩薩如視父母設有求道無有情欲棄捐吾我自大之想假使聽省正法七如是像法其明士等當自慎護所行安隱常得調定將御佛道救億衆生又語溥首如來滅度後若菩薩大士奉行斯典常以時節其是比丘當行慈愍向諸白衣出家寂志一切群生行菩薩道者常念過去世行大乘者善權方便演真諦義若聽聞者不知不了不悅不信不省不綜反自歎說我當逮得無上正真道成最正覺威神足力而欲得飛溥首當知吾見斯等佛滅度後菩薩有四事說法而不諍怒何等爲四爲諸比丘比丘尼清信士清信女所見奉敬帝王太子大臣群寮郡國人民所見供養長者梵志悉共承順虛空神明無數天子聽所說經天龍

鬼神侍衛其後皆營護之是為四若入縣邑  
 還歸室宅晝夜悉來諮問經法若為解說分  
 別所歸莫不歡喜所以者何溥首欲知皆佛  
 所建立加此經恩去來今佛盡從斯生亦護  
 是典若於忍界聞正法華品服聽聞名者甚  
 難宜遇溥首譬有大力轉輪聖王威德弘茂  
 順化所領諸餘敵國未率伏者不敢闕關若  
 轉輪王興舉眾兵當有所討不賓之臣欲拒  
 大邦雄猛將士奮武尅捷莫不稔賴王用歡  
 喜斷功定賞封城邑賜之土田七寶琦珍  
 象馬車乘男女奴婢元首効勳殊特者王  
 解髻中明珠賜之法夜七所以者何臣當國疆華裔九  
 乃康如來正覺亦復如是為大法王無極道  
 帝自伏其心以法教化以德消害以慧戰鬪  
 降諸法王無極之眾無量經典百千要義咸  
 施群生無所秘弊詔平等城其見身魔能與  
 魔戰以賢聖法攻姪怒癡降魔官屬盡三界  
 患至于滅度所作尅捷則大勇猛於後無壞

亦無有實因由諸虛致此世間如麴色像一  
 切因緣普諸世界古今以來無有信此正法  
 華經未曾暢說所以說者由諸通慧大慈所  
 致如大聖帝髻中明珠以為世尊第一法要  
 緣是趣行如來使聞深妙之典往古來今諸  
 行班宣斯經為最消余一切緣起之患猶如  
 聖帝珍重愛護髻中明珠久乃解出以賜有  
 功如來如是夙夜寶護最妙無瑕從來甚久  
 立諸法頂今日加哀乃演散耳世尊欲重顯  
 現要義而歎頌曰  
 今日如來 慈心之力 常愍眾生 群萌之界  
 安住咨嗟 最尊經卷 故分別說 如斯典誥  
 最後世時 志菩薩法 若使出學 及居家者  
 若聞此經 慈心戰慄 一切普現 不得誹謗  
 吾本初始 得佛道時 如今如來 現在之時  
 設能遠聞 於是尊經 則便建立 億權方便  
 猶如勢力 轉輪聖王 戰鬪降伏 外異國王  
 得賜象馬 車乘寶藏 又加封邑 城郭郡土

或有得賜	手足寶鏤	微妙之色	紫磨金珍
真珠夜光	車渠碧玉	種種殊別	奇則妙異
若干諸物	各用賜之	使一切衆	踊躍驚喜
觀所立功	怪未曾有	最後解髻	明月寶施
佛亦如是	今為法王	忍辱之力	無極慧音
常行慈愍	與發哀護	以法等化	一切世間
觀諸衆庶	憂惱之患	講說經法	億千之數
曉知衆生	所應方便	今日衆生	以為盡原
於時法王	無極大聖	分別經卷	億百千姪
以知黎庶	志力猛慧	便說此經	如髻明珠
最後世時	正典所處	一切諸法	皆無及者
欽仰是經	未曾輕講	識練幽微	慧明者聞
<small>在</small> 吾以演現	<small>正法十</small> 如是像法	<small>十</small> 佛滅度後	當恃怙之
其有志求	斯尊道者	普當授決	如佛所言
彼人未曾	有疵瑕欲	無有疾病	衆患之難
則於末後	將來之世	便即逮成	無上真慧
殊勝差特	普當具足	諸四部衆	亦復順遇
若有聞者	除身諸漏	怪其無為	悉叉手歸

已身景耀	所照光光	其奉行是	所獲若此
得成正典	而轉法輪	則觀弘摸	及見最勝
夢中聞見	百福德相	紫磨金色	佛所說經
設得聞已	為衆會說	及諸親族	皆悉具足
又復所護	一切除棄	若使卧夢	所見如是
悉捨遠離	而行出家	皆得往至	於佛道場
即便處於	師子之座	是為末道	所獲利善
所謂七寶	悉歸於斯	修此則奉	最勝如來
以得佛道	存立慧施	即轉法輪	無有諸漏
為諸四輩	而說經法	不可思議	億千劫數
分別講說	無漏之法	教化無數	億姪衆生
夢中所見	如斯色像	滅度因緣	悉無生死
溥首當知	常志道者	多所教化	不可限量
最後末世	求斯尊法	分別廣說	安住所演
正法華經	菩薩從地	涌出品第十五	
於時他方	世界八江	河沙等菩	薩大士各
形服來詣	佛所誓首	于地長跪	叉手白世
曰鄙之徒	類來造忍	界欲聞斯	典受持諷
<small>在</small>	<small>正法十</small>	<small>十一</small>	<small>月</small>

精進供養奉行如法唯願大聖垂心於我如來滅後以正法華經加哀見付世尊告曰止族姓子仁等無乃建發是計今此忍界自有八江河沙等大士一一大士各有眷屬如六十億江河沙等菩薩大士後末世時皆當受持分別班宣時此佛界周普無數億百千姪諸菩薩衆自然雲集顏貌殊妙紫磨金色三十二相嚴莊其身在於地下攝護土界人民道行猗斯忍界聞佛顯揚法華音聲從地踊出一一菩薩與六十億江河沙等諸菩薩俱營從相隨一心一行無有差別或半江河沙百千菩薩來者或四十分江河沙或五十分江河沙或百分江河沙或四百分江河沙或五百分江河沙或千分或百千分江河沙或億百千分江河沙等菩薩各各朋黨相隨來或復無數億百千菩薩眷屬而來至者或有二百千同行修菩薩道或有百千各有眷屬或有千眷屬或有五百眷屬或四百眷屬或

三百眷屬或二百眷屬或百眷屬或五十眷屬或四十眷屬或三十眷屬或二十眷屬或十眷屬或五眷屬或四眷屬或三眷屬或二眷屬或一眷屬或獨而至不可稱限其數難喻從地踊出或從上下或從四方來至忍世界悉住空中見於滅度多寶世尊能仁大聖各處七寶樹下坐師子牀尋替首禮二如來至真等正覺右遶三帀却住一面或有菩薩以若干品奇妙之義咨嗟二尊歎詠諸佛從始以來假使具足五十中劫不能究暢能仁世尊為勤苦行與佛別來亦復如是四部衆會等無差時亦復點然尔時世尊即如色像現其神足令四部衆悉得普見又使念知此忍世界諸菩薩衆於虛空中各各攝護百千佛土諸菩薩衆皆滿具足百千佛土又此大衆有四菩薩以為元首其名曰種種行菩薩無量行菩薩以清淨行菩薩建立行菩薩是為四於無限無量塵數雲集大會菩薩之上

在

正法華

十二

卅

最也於是四菩薩大士各與大眾不可思議部部住立於世尊前叉手白曰大聖體尊起居康強蠲除眾病所行安耶群生各各善順律行處于清涼無眾患乎此類將無興墜嶮谷時四菩薩大士以偈讚曰  
世雄闡光耀 所行康強耶 救脫現在者  
眾行無患難 眾生善因室 快受諦清淨  
得無起疲歇 寧受世吼命  
尔時世尊告眾大會諸菩薩曰諸族姓子佛所行安無疾無患眾庶各各悉受律行善學道教不敢興歇欲至嚴淨所以者何斯之品類乃於往古諸平等覺各各作行是諸聲聞信樂吾教入于佛慧又各各異三乘學者住聲聞乘我悉立志入佛大慧時諸菩薩而歎頌曰  
善哉快世尊 我等悉勸助  
乃令眾生一 善化微妙律 欲得聞大聖  
教命詢深要 聽之歡喜信 乃入法供養  
於是世尊語大會菩薩曰善哉善哉諸族姓

子誠如所云如來所詔各隨權宜不違本旨時弥勒大士及餘八億江河沙菩薩俱舉聲而歎頌曰  
從古以來 未曾見聞 乃有尔所 菩薩之眾  
從地踊出 住世尊前 供養歸命 是等疇類  
從何來乎

弥勒即知八億江河沙菩薩心之所念尋時义手以偈問曰  
無央數百千 於筭巨億載 不可稱限量  
未曾見菩薩 來詣兩足尊 曷因是何等  
大通所從來 其像巨億長 一切志強勇  
雄猛為大聖 端正可欽敬 今為所從來

世尊一一見 慧雅諸菩薩 眷屬無央數  
猶如江河沙 其數超江河 具足度佛法  
諸菩薩眷屬 皆逮正覺道 如是群英倫  
集會禮大聖 具足滿六十 百千江河沙  
其數過於彼 眷屬無思想 五百江河沙  
或四或三百 或二百江河 諸管從如是

其限復殊此	或五或復十	一一諸眷屬
卅尊大聖子	斯等緣何來	至于導師所
或四三或二	或一江河沙	江沙數各來
伴侶悉善學	甚多不可限	除住空中者
於億百千劫	不可卒合聚	半江或三分
或十或二十	具足衆立行	明哲衆菩薩
俱住於空中	其限不可量	現別無彼此
億劫行清淨	又無量異部	眷屬不可量
億億復超億	或有半億者	或十或二十
五四三或二	諸雄從眷屬	無能籌量者
身各自修行	寂漠樂等道	恬怕如虛空
別來者無限	猶如江河劫	莫能有計者
在精舍寂室	各從其方來	一切大神聖
皆用尊故至	諸菩薩雄猛	何從忽現比
誰為彼說經	誰立於佛道	為顯何佛教
建立何佛行	細微各可敬	普從四方來
因明目神足	大慧忽然現	於羸曠世界
能仁令充備	仁賢諸菩薩	倫黨自然至

從生出以來 未見如斯變 願說其國土  
 大聖哀盡名 十方所從發 各懷十八法  
 吾未曾得見 如斯等菩薩 我為最勝子  
 未曾見聞此 今斯若干衆 能仁願說行  
 菩薩無數千 百姪難可限 諸億千無量  
 本為何所處 諸菩薩勇猛 志性不可量  
 在 正法七 如是之等類 大雄願說之 十四  
 尔時他方世界無鞅數億百千姪諸如來至  
 真等正覺普從十方詣能仁如來勸說法者  
 各各坐于七寶樹下師子之牀是諸如來侍  
 者各各見諸菩薩無量大會部部變化從地  
 踊出各各住立自問其佛此諸菩薩大士之  
 等從何所來不可計量無有邊際時彼諸佛  
 各各告其侍者曰諸族姓子且待須更有善  
 薩名弥勒為能仁如來所授決當逮無上正  
 真道成最正覺自問能仁如尔所恠佛為一  
 一分別義歸悉靜一心而俱聽之尔時佛告  
 弥勒大士善哉阿逸仁者所問極大微妙優

與難量且聽且聽今我說之一切菩薩及諸會者普當堅固強猛力勢於無上意當知如來慧見無底諸大聖立境界無量禪定智慧所樂自恣莫能宣暢而剖判說方便與化不可限量時佛頌曰

諸族姓子 皆聽佛道 今吾所說 慧柔和悅 若明達者 以為美香 如來之慧 不可思議 皆當強意 普存堅固 各建立志 一心平等 大聖難值 愍哀世間 今當聽受 未曾有法 佛當建立 仁者諸黨 一切無得 生狐疑心 導師所詔 令無有異 其慧平等 安隱無特 安住所療 法甚深奧 非心所思 不可限量

在

正法七

十五

九

今當講說 無極因緣 普共聽之 義何所趣 世尊歎已告弥勒曰班宣一切阿逸欲知此諸菩薩大士眾會無量不可思議各各從地而踊出者昔所不見皆集忍界吾始逮無上正真道成最正覺時歡悅斯等立不退轉使成大道教授化立族姓子開士大士之眾處

于下方而於其中有所救護讀經誦思惟禪定專察其歸欣然悅豫樂無為行諸族姓子志于恬悛不存遠近天上人間常應專修轉於法輪無為無會好深神通法樂為樂志願精進求于佛慧於時世尊而歎頌曰

今此無數 諸菩薩眾 不可思議 無能限量 造行億數 不可限劫 植積神足 博聞智慧 吾悉勸誘 於大聖道 今佛一切 皆授其決 斯諸菩薩 悉佛眾子 皆為住此 於吾國土 悉捨棄離 諸所習地 一切皆處 閑居得度 此諸佛子 所行無為 精進學習 奉遵上道 斯聰哲者 在於下方 今日故來 攝護國土 晝夜精進 無有逸慢 積累德行 分別佛道 常行勤修 立於慧力 一切意堅 而無限量 常志勇猛 思惟法典 吾悉是吾 達清淨子 吾初達成 為佛道時 在於城中 若樹無着 則便講演 無上法輪 勸立其志 於尊佛道 今佛所說 至誠無漏 聞佛歎詠 皆當信之

開化發起 此諸群英 從久曩來 立尊正道  
 尔時弥勒大士聞佛說彼菩薩之眾億百千  
 姦數難計會心用愕如怪未曾有白世尊曰  
 云何大聖處迦羅衛釋氏王宮為太子時委  
 國重位眾女之娛出適道場坐于樹下得無  
 上正真道成最正覺從來迹近甫四十年而  
 所教化所度無量乃復爰發諸佛境界多所  
 勸益所建權慧而不可議今是菩薩大會之  
 眾悉皆如來之所開導部黨部黨眾多無量  
 久修梵行植眾德本供養無數百千諸佛假  
 使欲計成就以來劫數無限弥勒又啓欲引  
 微喻譬如士夫年二十五首髮美黑姿體鮮  
 澤被服粲麗端嚴殊妙常懷恐懼現百歲子  
 其父謂言族姓子來尔則我子其百歲子謂  
 二十五歲人是我之父父則察知口自說言  
 是我之子如是世尊世俗之人所不信者而  
 令得信佛亦如是成佛未久今有若干億百  
 千數久修梵行長夜遵倚在于道慧勸進現

在

正法七

十六

鮮

在無量之眾曉了坐定起立方便成大神通  
 聰明智慧住于佛地集佛慧義於世希有逮  
 大聖力世尊往古亦復教化于斯品類誘導  
 建立於菩薩地當成無上正真之道致諸正  
 覺悉行方便所作已辦今我已受信逝誠諦  
 探暢既往斷誓此義其唯如來新學菩薩心  
 懷猶豫所不及知如來滅後聞是經典終不  
 信也已有猶豫不遵此法亦不勸樂當獲罪  
 豐善哉世尊現說此義其有狐疑於此典者  
 當來末世諸學大乘設使聞者今不沉吟於  
 是弥勒大士於世尊前歎斯頌曰  
 譬如有人 現生老子 能仁至聖 棄國捐王  
 生於城中 而得佛道 導師近尔 布屬鈔少  
 今此諸樂 不退轉子 無數億劫 行救大眾  
 神足之力 住不可動 學智慧彊 靡所不入  
 今來至此 在所開通 如水蓮華 悉無所着  
 威神尊重 志超於世 立住恭肅 一切义手  
 諸菩薩眾 如是色像 為如之何 誰當信此

在

正法七

卅

惟願大聖加哀示現 剖判分別 如審諦義  
 譬如有人而為士夫 年既幼少 髮美且黑  
 其人年歲二十有五 而乃產生 百歲之男  
 養育澡洗 隨時衣食 是我等父 而為最勝  
 一切世間 無有信者 幼稚年少 而生此子  
 如是世尊 我等無失 無數菩薩 而來集會  
 心彊智慧 又無所畏 無數億劫 所學審諦  
 志懷明哲 其目通達 威神巍巍 顯現端正  
 而意勇猛 曉了法律 為雄導師 所見咨嗟  
 而竄山巖 靜行無為 如虛空界 悉無所着  
 禪定精進 為安住子 而心志求 於此佛道  
 而何所人 當信此言 若於導師 滅度之後  
 吾等於此 而無狐疑 佛前目覩 則聞菩薩  
 於是之處 初學固然 將無菩薩 歸於惡道  
 云何勸發 化此等倫 惟願世尊 羅縷解決  
 正法華經卷第七 在七

僮優上郎孔反下 諭諂上羊朱反  
 韶土昭反 魚獵上正作 弋射上余反 恇即反

網繆上直留反 調礙上徒弔反 謝涉交 虫蚕  
 池下正作 蹉踏上七何反 眩惑上音 戢之  
 仇音 攏初進 割音 躊躇上直留反 綜子  
 燿然上明也 奮方問捷反 捷慈葉 誓願下桑 曩  
 乃黨 稚利 羅縷上委曲也 寶鏘下正 戰慄  
 告反 恬怕下音 恬淡下音 效勸下子

正法華經卷第八

在八

西晉三藏竺法護譯

正法華經如來現壽品第十六

律考列

爾時世尊普告菩薩大眾三舉聲語諸族姓  
 子悉當信佛誠諦至教勿得猶豫時會菩薩  
 彌勒大士其餘之眾咸皆叉手白世尊曰唯  
 願大聖分別說之我等悉信如來所語諸善  
 薩白佛而亦至三於是世尊見諸菩薩三稱  
 勸助欲令佛說佛告諸菩薩曰諦聽諦聽善  
 思念之僉曰受教佛言族姓子如來建立如  
 是色像無極之力諸天龍神阿須倫世間人  
 各自知之各自念言能仁世尊從釋氏土棄